



**ЎЗБЕКИСТОН РЕСПУБЛИКАСИ
ТРАНСПОРТ ВАЗИРЛИГИ ҲУЗУРИДАГИ
ФУҚАРО АВИАЦИЯСИ АГЕНТЛИГИ**

**ЎЗБЕКИСТОН РЕСПУБЛИКАСИ АВИАЦИЯ ҚОИДАЛАРИ
(47-қисм)**

**Фуқаро ҳаво кемаларига шовқинлар бўйича сертификатни бериш
тартиби тўғрисида
НИЗОМ
(ЎзР АҚ-47)**

2016 й.-Тошкент ш.

НОРАСМИЙ ТАРЖИМА

Вазирлар Маҳкамасининг
2016 йил 1 март 58-сон Қарорига
5-илова

**Фуқаро ҳаво кемаларига шовқинлар бўйича сертификатни бериш
тартиби тўғрисида
НИЗОМ**

I. Умумий қоидалар

1. Ушбу Низом фуқаро ҳаво кемаларига шовқинлар бўйича сертификатни бериш тартибини белгилайди (кейинги ўринларда шовқинлар бўйича сертификати деб юритилади).

2. Ушбу Низомнинг амал қилиши Ўзбекистон Республикаси Фуқаро ҳаво кемаларининг давлат реестрига киритилган фуқаро ҳаво кемаларига татбиқ этилади.

3. Ушбу Низомда қуйидаги асосий тушунчалардан фойдаланилади:

аризачи – шовқинлар бўйича сертификатни бериш учун (қайта расмийлаштириш, унинг дубликатини бериш, амал қилишини тугатиш, бекор қилиш) Ўзбекистон Республикаси Транспорт вазирлиги ҳузуридаги Фуқаро авиацияси агентлигига (кейинги ўринларда «Ўзавиация» агентлиги деб юритилади) ариза билан мурожаат қилган жисмоний ёки юридик шахс;

модификация қилинган ҳаво кемаси варианти – шовқинлар бўйича сертификациядан ўтган, лекин унинг шовқин хусусиятларига салбий таъсир кўрсатиши мумкин бўлган конструктив ўзгартиришлар билан, прототипга яроқлилиги жиҳатидан ўхшаш ҳаво кемаси;

ваколатли орган – Халқаро фуқаро авиацияси ташкилоти (ИКАО) томонидан қабул қилинган шовқинлар бўйича стандартларига мувофиқлигига ҳаво кемаларни сертификатлаш соҳасида ваколатлар берилган давлат органи ёки ташкилот.

4. Ушбу Низомга 1 ва 2-иловаларга мувофиқ шакл ва схемаси бўйича аризачига шовқинлар бўйича сертификати берилади.

5. Ҳаво кемасининг эксплуатацияси билан боғлиқ фуқаро авиациясида фаолиятини амалга ошириш учун, ушбу Низомда белгиланган тартибда «Ўзавиация» агентлиги томонидан шовқинлар бўйича сертификати берилади.

6. «Ўзавиация» агентлиги директори (директор ўринбосари) ёки «Ўзавиация» агентлиги директорининг буйруғи билан ваколат берилган мансабдор шахс томонидан шовқинлар бўйича сертификати имзоланади ва «Ўзавиация» агентлигининг муҳр билан тасдиқланади.

Халқаро парвозларни амалга оширувчи фуқаро ҳаво кемаси учун шовқинлар бўйича сертификати инглиз тилидаги таржимасига эга бўлиши лозим.

7. Шовқинлар бўйича сертификати, ҳаво кемасини ишлаб чиқувчи давлат ёки ваколатли орган томонидан фуқаро ҳаво кемасида шовқинлар бўйича ўтказилган сертификатлаштиришни тасдиқловчи ҳужжат ҳисобланади.

8. Парвозларни амалга ошириш пайтларида шовқинлар бўйича сертификати ҳаво кемасида бўлиши лозим. Амалдаги шовқинлар бўйича сертификати бўлмаган ҳолларда ҳаво кемасига парвозларни амалга оширилиши тақиқланади.

9. Шовқинлар бўйича сертификати муддатсиз берилади.

II. Рухсат беришга доир талаблар ва шартлар

10. Фуқаро ҳаво кемасини эксплуатация қилишда рухсат беришга доир талаблар ва шартларга қуйидагилар киради:

а) қонун ҳужжатларига мажбурий риоя қилиш;

б) эгаси (мулкдори) — юридик шахс қайта ташкил этилган, унинг номи ёки жойлашган жойи (почта манзили) ўзгарган ҳолларда; эгаси (мулкдори) - жисмоний шахсининг фамилияси, исми, отасининг исми ёки фаолият кўрсатиш жойи ўзгарган тақдирда қайта расмийлаштиришдан ўтгандан сўнг етти иш куни давомида «Ўзавиация» агентлигини хабардор қилади;

в) фуқаро ҳаво кемасининг турига тегишли бўлган ўқишга яроқлилиги нормаларига фуқаро ҳаво кемасини мувофиқлигини таъминлаш.

III. Шовқинлар бўйича сертификатни олиш учун зарур бўлган ҳужжатлар

11. Шовқинлар бўйича сертификатни олиш учун аризачи «Ўзавиация» агентлигига қуйидаги ҳужжатларни тақдим этади:

а) ушбу Низомга 3-иловага мувофиқ шакл бўйича аризани;

б) агар фуқаро ҳаво кемасида унинг шовқин хусусиятларига салбий таъсир кўрсатиши мумкин бўлган тегишли конструктив ўзгартиришлар бажарилган бўлса, модификация қилинган ҳаво кемаси варианты учун қўшимча маълумотлар.

12. «Ўзавиация» агентлиги белгиланган тартибда мустақил равишда шовқинлар бўйича сертификатни бериш учун зарур бўлган, Ўзбекистон Республикасининг бошқа давлат органларида мавжуд бўлган ҳужжатлар ва маълумотларни ахборот ҳамкорлиги орқали, шу жумладан электрон ҳужжат шаклида олади. Аризачидан мазкур Низомнинг 11-бандида назарда тутилмаган ҳужжатларни тақдим этишни талаб қилишга йўл қўйилмайди.

13. Шовқинлар бўйича сертификатни олиш учун зарур бўлган ҳужжатлар аризачи томонидан бевосита, почта алоқа воситалари орқали ёки электрон шаклда улар олинганлиги ҳақида хабардор қилинган ҳолда тақдим этилади. Электрон шаклда тақдим этилган ҳужжатлар, аризачининг электрон рақамли имзоси билан тасдиқланади.

14. Ҳужжатлар рўйхат бўйича (икки нусхада) қабул қилинади, ушбу рўйхатда ҳужжатларнинг номи, уларнинг рақами, имзони қуйиш санаси ва варақлар сони кўрсатилади. Қабул қилинган сана тўғрисида белги қўйилган ҳолда ҳужжатлар рўйхатининг битта нусхаси зудлик билан аризачига тақдим этилади (юборилади).

15. Ушбу Низомга мувофиқ «Ўзавиация» агентлигига тақдим этиладиган ҳужжатлар, фуқаро ҳаво кемасини эксплуатация қилиш муддат давомида сақланиши лозим.

IV. Аризани кўриб чиқиш ва шовқинлар бўйича сертификатни бериш ёки уни беришни рад этиш тўғрисидаги қарорни қабул қилиш

16. Шовқинлар бўйича сертификатни бериш тўғрисидаги аризани «Ўзавиация» агентлиги томонидан кўриб чиқилганлиги учун йиғим ундирилмайди.

17. «Ўзавиация» агентлиги аризани қабул қилинган санадан бошлаб ўн иш кунидан ошмаган муддатда уни кўриб чиқади, шовқинлар бўйича сертификатни беради ёки беришни рад этади.

18. Аризани кўриб чиқиш жараёнида, аризачи арз қилган фуқаро ҳаво кемаси ва унинг двигателлар, ҳаво винтлари тўғрисидаги маълумотлари тўлиқлигини ва тақдим этилган ҳужжатларнинг тўғри расмийлаштирилганини текширади.

19. Шовқинлар бўйича сертификатни бериш учун масъул бўлган «Ўзавиация» агентлигининг мутахассиси, ушбу Низомнинг 18-бандида назарда тутилган ҳаракатларни ўтказиб бўлганидан кейин, шовқинлар бўйича сертификатни бериш ёки уни беришни рад этиш тўғрисидаги хулосани расмийлаштиради.

20. «Ўзавиация» агентлиги аризачига шовқинлар бўйича сертификатни беради (юборади) ёки шовқинлар бўйича сертификатни беришни рад этиш тўғрисидаги қарорни қабул қилинган санадан бошлаб бир иш кунидан ошмаган муддатда аризачини ёзма равишда хабардор қилади.

21. Ҳаво кемасини ишлаб чиқувчи давлат ёки ваколатли орган томонидан берилган ҳужжатда кўрсатилган шовқин даражаси тўғрисидаги маълумотлар шовқинлар бўйича сертификатида киритилади.

22. Қуйидаги ҳолларда шовқинлар бўйича сертификатни бериш аризачига рад этилиши мумкин:

шовқинлар бўйича сертификатни бериш учун зарур бўлган ҳужжатларни аризачи томонидан тўлиқ ҳажмда тақдим этилмаган бўлса;

аризачи рухсат этувчи талаблар ва шартларга мувофиқ бўлмаса;

аризачи томонидан тақдим этилган ҳужжатларда нотўғри ёки ишончсиз маълумотлар мавжуд бўлса.

Шовқинлар бўйича сертификатни беришни бошқа асосларга кўра, шу жумладан мақсадга мувофиқ эмас деган важлар билан рад этишга йўл қўйилмайди.

23. Шовқинлар бўйича сертификатни беришни рад этиш тўғрисида қарор қабул қилинган ҳолларда, ёзма равишда рад этиш сабаблари, қонун ҳужжатларининг аниқ нормалари ва аризачи кўрсатилган камчиликларни бартараф этиб такроран мурожаат қилиши мумкин бўлган муддати кўрсатилиб, аризачи хабардор қилинади. Аризачи рад этиш сабабларини бартараф этиб, ҳужжатларни қайта кўриб чиқиш учун тақдим этиш ҳуқуқига эга бўладиган муддат, шовқинлар бўйича сертификатни бериш рад этилгани ҳақида ёзма хабарни олинган санадан бошлаб ўн иш кунидан кам бўлмаслиги керак.

24. Шовқинлар бўйича сертификатни беришни рад этиш учун асос бўлган сабаблар аризачи томонидан белгиланган муддатда бартараф этилганда, «Ўзавиация» агентлиги рад этиш сабаблари бартараф этилгани ҳақидаги ариза ва улар бартараф этилганини тасдиқловчи тегишли ҳужжатларни олинган санадан бошлаб, ўн иш кунидан ошмайдиган муддатда ҳужжатларни қайта кўриб чиқади, шовқинлар бўйича

сертификатни беради ёки уни беришни рад этади. Аризани қайта кўриб чиқиш учун йиғим ундирилмайди.

25. Аризани қайта кўриб чиқишда «Ўзавиация» агентлиги томонидан рад этиш тўғрисидаги ёзма хабарида аввал қайд этилмаган сабабларни келтиришга йўл қўйилмайди, аввал кўрсатилган сабаблар бартараф этилганини тасдиқловчи ҳужжатлар билан боғлиқ рад этиш сабаблари бундан мустасно.

26. Шовқинлар бўйича сертификатни беришни рад этиш ҳақидаги ёзма хабарида кўрсатилган муддат тугагандан сўнг тақдим этилган ариза қайта тақдим этилган деб ҳисобланади ва «Ўзавиация» агентлиги ушбу аризани умумий асосларда кўриб чиқади.

27. Аризачи шовқинлар бўйича сертификатни бериш рад этилгани, шунингдек, ваколатли орган мансабдор шахсининг ҳаракати (ҳаракатсизлиги) юзасидан белгиланган тартибда шикоят қилиш ҳуқуқига эга.

V. Шовқинлар бўйича сертификатни қайта расмийлаштириш ва дубликатини бериш

28. Шовқинлар бўйича сертификатни қайта расмийлаштириш ва дубликатини бериш Ўзбекистон Республикасининг “Тадбиркорлик фаолияти соҳасидаги рухсат бериш тартиб-таомиллари тўғрисида”ги Қонуннинг 21 ва 24 моддаларида назарда тутилган ҳолларда ва тартибда амалга оширилади.

29. Шовқинлар бўйича сертификатни қайта расмийлаштириш ва дубликатини бериш учун, аризачи «Ўзавиация» агентлигига ушбу Низомга 3-иловага мувофиқ шакл бўйича аризани ва яроқсиз ҳолга келган тақдирда шовқинлар бўйича сертификатининг асл нусхасини тақдим этади.

30. Шовқинлар бўйича сертификатни қайта расмийлаштириш ва дубликатини бериш учун йиғим ундирилмайди.

VI. Шовқинлар бўйича сертификатининг амал қилишини тўхтатиб туриш, тугатиш ва бекор қилиш

31. Шовқинлар бўйича сертификатининг амал қилишини тўхтатиб туриш (тиклаш), тугатиш ва бекор қилиш Ўзбекистон Республикасининг “Тадбиркорлик фаолияти соҳасидаги рухсат бериш тартиб-таомиллари тўғрисида”ги Қонуннинг 22, 23 ва 25 моддаларида назарда тутилган ҳолларда ва тартибда амалга оширилади.

32. Шовқинлар бўйича сертификатининг амал қилишини тугатиш учун асос бўлиб ҳисобланадиган бир марта қўпол равишта бузишларига қуйидагилар киради:

авиация халокатига олиб келган фуқаро ҳаво кемасини эксплуатация қилиш, таъминлаш, ташкил этиш ва парвозларни амалга ошириш қоидаларини бузиш;

ўрнатилган тартибларини бузганлиги билан парвозлар хавфсизлигига таҳдид солиши мумкин бўлган, фуқаро ҳаво кемасини конструкциясига ўзгартиришлар киритиш.

33. Аризачи томонидан тақдим этилган ариза асосида «Ўзавиация» агентлиги томонидан шовқинлар бўйича сертификатининг амал қилишини тугатилиши мумкин,

шунингдек, фуқаро ҳаво кемасини Ўзбекистон Республикаси Фуқаро ҳаво кемаларининг давлат реестридан чиқарилган тақдирда.

34. Шовқинлар бўйича сертификатининг амал қилишини тугатиш учун, аризачи «Ўзавиация» агентлигига ушбу Низомга 4-иловага мувофиқ шакл бўйича шовқинлар бўйича сертификатининг амал қилишини тугатиш тўғрисида аризани ва шовқинлар бўйича сертификатининг асл нусхасини тақдим этади.

VII. Шовқинлар бўйича берилган сертификатлар реестри

35. Ушбу Низомга 5-иловага мувофиқ шакл бўйича шовқинлар бўйича берилган сертификатлар реестрини «Ўзавиация» агентлиги юритади.

36. Шовқинлар бўйича берилган сертификатлар реестрини электрон шаклда юритишга йўл қўйилади. Қоғоз шаклдаги ёзувлар билан электрон шаклдаги ёзувлар ўртасида номувофиқлик мавжуд бўлган тақдирда, қоғоз шаклдаги ёзувлар устуворликка эгадир.

37. Шовқинлар бўйича берилган сертификатлар реестрда мавжуд бўлган маълумотлар «Ўзавиация» агентликнинг расмий веб-сайтида жойлаштирилади ва танишиб чиқиш учун очиқ бўлади.

VIII. Яқунловчи қоида

38. Ушбу Низом талаблари бузилишида айбдор бўлган шахслар қонунчиликка мувофиқ жавоб берадилар.

Фуқаро ҳаво кемаларига шовқинлар
бўйича сертификатни бериш
тартиби тўғрисида низомга
1-илова

шовқинлар бўйича сертификатни бериш
СХЕМАСИ

Босқичлар	Субъектлар	Тадбирлар	Бажариш муддатлари
1-босқич	Аризачи	Шовқинлар бўйича сертификатни олиш учун, ушбу Низомда назарда тутилган талабларига мувофиқ зарур бўлган ҳужжатларни тайёрлайди. «Ўзавиация» агентлигига аризани бевосита, почта алоқаси воситалари орқали ёки электрон шаклда, улар олинганлиги ҳақида хабардор қилинган ҳолда тақдим этади.	Аризачининг ихтиёрига қўра
2-босқич	«Ўзавиация» агентлиги	Шовқинлар бўйича сертификатни олиш учун тақдим этилган ҳужжатларни рўйхат бўйича (икки нусхада) қабул қилади, унинг битта нусхаси ҳужжатлар қабул қилиб олинган сана тўғрисида белги қўйилган ҳолда аризачига тақдим этади (юборади).	Ҳужжатларни қабул қилинган кунидан бошлаб
3-босқич	«Ўзавиация» агентлиги	1. Шовқинлар бўйича сертификатни бериш учун тақдим этилган аризани ва ҳужжатларни кўриб чиқади. 2. Ижобий хулосаси асосида шовқинлар бўйича сертификати аризачига тилхат остида чопар орқали топширади ёки унга почта орқали бюуртмали хат билан юборади. 3. Аризачига шовқинлар бўйича сертификатни беришни рад этиш тўғрисида, рад этиш учун асос бўлган сабабларини кўрсатган ҳолда ёзма равишда хабардор қилади.	1. Аризани қабул қилинган кунидан бошлаб 10 иш куни ичида. 2. Тегишли қарор қабул қилинган кунидан бошлаб 1 иш куни ичида.
4-босқич	«Ўзавиация» агентлиги	Аризачи рад этиш учун асос бўлган сабабларни белгиланган муддатда бартараф этса, шовқинлар бўйича сертификатни бериш ёки уни беришни рад этиш учун ҳужжатларни такроран кўриб чиқиш	Рад этиш учун асосларни бартараф қилганлиги тўғрисида Аризани ва тасдиқловчи ҳужжатларни қабул қилинган кунидан бошлаб 10 иш куни ичида.

Фуқаро ҳаво кемаларига шовқинлар
бўйича сертификатни бериш
тартиби тўғрисида низомга
2-илова

O‘ZBEKISTON RESPUBLIKASI
TRANSPORT VAZIRLIGI HUZURIDAGI
FUQARO AVIATSIYASI AGENTLIGI



CIVIL AVIATION AGENCY
UNDER THE MINISTRY OF TRANSPORT
OF THE REPUBLIC OF UZBEKISTAN

“O‘ZAVIATSIYA” AGENTLIGI

CAA OF UZBEKISTAN

73B NUKUS STREET, 100015 TASHKENT, REPUBLIC OF UZBEKISTAN,
TEL.: + (998-78)-1200063, FAX.: +(998-71)-2541482, e-mail: technique@uzcaa.uz

SHOVQINLAR BO‘YICHA SERTIFIKAT
NOISE CERTIFICATE
СЕРТИФИКАТ ПО ШУМАМ

№ _____

<p>4. Milliy va ro‘yxatga olish belgilari <i>Nationality and registration marks</i> Национальный и регистрационный знаки</p>	<p>5. Havo kemasini ishlab chiqaruvchi va ishlab chiqaruvchi tomonidan belgilanishi <i>Manufacturer and manufacturer’s designation of aircraft</i> Изготовитель и обозначение воздушного судна изготовителем</p>	<p>6. Havo kemasining seriyali (zavodda berilgan) raqami <i>Aircraft serial (manufacturer) number</i> Серийный (заводской) номер воздушного судна</p>		
<p>7. Dvigatel <i>Engine</i> Двигатель</p>			<p>8. Havo vinti <i>Propeller</i> Воздушный винт</p>	
<p>9. Maksimal uchib chiqish vazni, kg <i>Maximum take-off mass, kg</i> Максимальная взлетная масса, кг</p>	<p>10. Maksimal qo‘nish vazni, kg <i>Maximum landing mass, kg</i> Максимальная посадочная масса, кг</p>	<p>11. Shovqin bo‘yicha sertifikatsiya standarti <i>Noise certification Standard</i> Стандарт сертификации по шуму</p>		
<p>12. Shovqin bo‘yicha Standart sertifikatsiyalarini qo‘llashga keltirish maqsadida joriy etilgan qo‘shimcha modifikatsiyalar <i>Additional modifications incorporated for the purpose of compliance with the applicable noise certification Standards</i> Дополнительные модификации, введенные с целью приведения в соответствие с применяемыми Стандартами сертификации по шуму</p>				
<p>13. UQY yon tomonidan eshutilgan shovqinning darajasi/to‘liq quvvatidagi rejimiga <i>Lateral/Full Power Noise Level</i> Уровень шума сбоку от ВПП/на режиме полной мощности</p>	<p>14. Qo‘nish davridagi shovqin darajasi <i>Approach Noise Level</i> Уровень шума при заходе на посадку</p>	<p>15. Uchib o‘tish davridagi shovqin darajasi <i>Flyover noise Level</i> Уровень шума при пролете</p>	<p>16. Uchib o‘tish davridagi shovqin darajasi <i>Overflight noise Level</i> Уровень шума при пролете:</p>	<p>17. Ko‘tarilish davridagi shovqin darajasi <i>Take-Off Noise Level</i> Уровень шума при взлете:</p>
<p>Izohlar: <i>Remarks:</i> Примечания:</p>				
<p>18. Ushbu Shovqinlar bo‘yicha Sertifikat yuqorida qayd qilingan havo kemasiga 1944 yil 7 dekabrda fuqaro aviatsiyasi halqaro tashkiloti Konvensiyasi va fuqaro havo kemasiga shovqinlar bo‘yicha sertifikat berish tartibi to‘g‘risidagi nizomga muvofiq, shovqin bo‘yicha standartlarning talablariga javob beradi deb hisoblanadi, agar u foydalanish cheklovlari va tegishli talablarni hisobga olgan holda foydalanilayotgan va unga xizmat ko‘rsatilayotgan bo‘lsa. This Noise Certificate is issued pursuant to the Convention on International Civil Aviation dated 7th December, 1944 and the Regulation on the procedure for issuing the Noise certificate on the civil aircraft, in respect of the above-mentioned aircraft, which is considered to comply with the indicated noise Standard when maintained and operated in accordance with the relevant requirements and operating limitations. Настоящий сертификат по шумам выдан вышеупомянутому воздушному судну в соответствии с Конвенцией о международной гражданской авиации от 7 декабря 1944 года и Положением о порядке выдачи сертификата по шумам на гражданские воздушные суда, которое считается отвечающим требованиям указанного стандарта по шуму, если оно обслуживается и эксплуатируется с учетом соответствующих требований и эксплуатационных ограничений.</p>				
<p>19. Berilgan sana <i>Date of issue</i> Дата выдачи</p>	<p>Kuchga qirish muddati: <i>Effective from:</i> Вступает в силу с:</p>			
<p>M. O‘./M.П./stamp</p>	<p>lavozimi, imzo, F.I.O. / должность, подпись, Ф.И.О. / position, signature, name</p>			

Фуқаро ҳаво кемаларига шовқинлар
бўйича сертификатни бериш
тартиби тўғрисида низомга
3-илова

Ўзбекистон Республикаси
Транспорт вазирлиги ҳузуридаги
Фуқаро авиацияси агентлиги
Директорига

АРИЗА

дан

(юримдик шахсининг тўлиқ номи ёки жисмоний шахсининг фамилияси, исми, шарифи)

Фуқаро ҳаво кемасига шовқинлар бўйича сертификатни беришингизни

Фуқаро ҳаво кемасига шовқинлар бўйича сертификатни қайта
расмийлаштиришингизни

Фуқаро ҳаво кемасига шовқинлар бўйича сертификатининг дубликатни
беришингизни

сўрайман.

1. Ҳаво кемаси тўғрисида маълумотлар:

Ҳаво кемасининг тури		Ишлаб чиқарилган жойи ва санаси	
Ҳаво кемасининг модели		Максимал учиб чиқиш вазни	
Ҳаво кемасининг тоифаси		Максимал қўниш вазни	
Миллий ва рўйхатга олиш белгилари		Шовқин бўйича сертификатлаштириш стандарти	
Серияли (заводда берилган) рақами			

2. Двигателлари тўғрисида маълумотлар:

Двигателнинг тартиб рақами	1-чиси	2-чиси	3-чиси	4-чиси
Тури				
Модели				
Завод рақами				
Ишлаб чиқарилган санаси				

3. Ҳаво винтлари тўғрисида маълумотлар:

Ҳаво винтларининг тартиб рақами	1-чиси	2-чиси	3-чиси	4-чиси
Тури				
Моделли				
Завод рақами				
Ишлаб чиқарилган санаси				

4. Шовқин даражаси меъёрларига таъсир қилувчи ўзгартиришлар ва модификациялар ҳаво кемасида бажарилмаган. Ушбу Аризада кўрсатилган барча маълумотлар ишончли ҳисобланади.

Аризачи тўғрисида маълумот:

юридик шахслар учун:

1. Тўлиқ номи, ташкилотнинг ташкилий-ҳуқуқий шаклини кўрсатиб _____
2. Жойлашган жойи (почта индекси) _____
3. Телефон рақами / факс рақами _____

жисмоний шахслар учун:

1. Фамилия, исми, шарифи _____
2. Фуқаронинг шахсини тасдиқловчи ҳужжат тўғрисида маълумот _____
3. Турар жойи, адреси _____
4. Телефон рақами / факс рақами _____
5. СТИР _____

Аризачи _____
(лавозим)

_____ (имзо, фамилия, исми, шарифи)

« _____ » _____ 20 _____ й.
(сана) (ой)

5. Шовқинлар бўйича сертификатни бериш ёки бермаслик тўғрисида “Ўзавиация” агентлиги мутахассиснинг ҳулосаси _____

_____ (лавозим)

_____ (имзо, фамилия, исми, шарифи)

« _____ » _____ 20 _____ й.
(сана) (ой)

Фуқаро ҳаво кемаларига шовқинлар
Бўйича сертификатни бериш
тартиби тўғрисида низомга
4-илова

Ўзбекистон Республикаси
Транспорт вазирлиги ҳузуридаги
Фуқаро авиацияси агентлиги
Директорига

**фуқаро ҳаво кемасининг шовқинлар бўйича сертификатининг
амал қилишини бекор қилиш тўғрисида
АРИЗА**

_____ дан
(юридик шахснинг тўлиқ номи ёки жисмоний шахснинг фамилияси, исми, шарифи)

Ҳаво кемасининг _____ УК _____ -сонли
(тури) (миллий ва рўйхатга олинган белгилари)

шовқинлар бўйича сертификатининг амал қилишини бекор қилишини сўрайман.

Сертификатининг амал қилишини бекор қилиш сабаби: _____

Аризачи тўғрисида маълумот:

юридик шахслар учун:

1. Тўлиқ номи, ташкилотнинг ташкилий-ҳуқуқий шаклини кўрсатиб _____
2. Жойлашган жойи (почта индекси) _____
3. Телефон рақами / факс рақами _____

жисмоний шахслар учун:

1. Фамилия, исми, шарифи _____
2. Фуқаронинг шахсини тасдиқловчи ҳужжат тўғрисида маълумот _____
3. Турар жойи, адреси _____
4. Телефон рақами / факс рақами _____
5. СТИР _____

Аризачи _____
(лавозим) (имзо, фамилия, исми, шарифи)

« _____ » 20 _____ й.
(сана) (ой)

Фуқаро ҳаво кемаларига шовқинлар
Бўйича сертификатни бериш
тартиби тўғрисида низомга
5-илова

**Фуқаро ҳаво кемаларига шовқинлар бўйича берилган сертификатлар
Реестри**

Чап томони

Ёзув рақами	Сертификат рақами	Сертификати берилган санаси	Миллий ва рўйхатга олиш белгилари	Ҳаво кемасининг сериали (заводда берилган) рақами	Ҳаво кемасининг тури (модели)	Ҳаво кемасининг тоифаси
1	2	3	4	5	6	7

Ўнг томони

Ҳаво кемасининг эксплуатанти (аризачи)	Сертификатини қайта расмийлаштириш ва дубликатини бериш асослари ва санаси	Сертификатининг амал қилишини тўхтатиб туриш, тугатиш асослари ва санаси	Бекор қилиш асослари ва санаси
8	9	10	11